



**KERATAN AKHBAR
DAN MEDIA ONLINE
UNTUK MAKLUMAN :**

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

25 JANUARI 2021 (ISNIN)



**KERATAN AKHBAR
DAN MEDIA ONLINE
(KPDNHEP)**

25 JANUARI 2021 (ISNIN)

KPDNHEP keluar 48 notis pada peniaga

Johor Bahru: Kementerian Perdagangan Dalam Negeri dan Hal Ehwal Pengguna (KPDNHEP) Johor mengeluarkan 48 notis terhadap peniaga di negeri ini hasil pemantauan dan pemeriksaan bekalan barangan keperluan sejak 1 Januari hingga kelmarin.

Pengerusi Jawatankuasa Perpaduan, Perdagangan dan Hal Ehwal Pengguna Johor, Dr Chong Fat Full berkata, semua notis mengikut Seksyen 21 Akta Kawalan Harga dan Antipencatutan (AKHAP) 2011 itu dikeluarkan untuk tujuan siasatan lanjut bagi mendapatkan maklumat kenaikan harga dan mengesan sekiranya wujud sebarang elemen pencatutan.

"Berdasarkan rekod, dari 1 hingga 23 Januari tahun ini, sebanyak 936 premis diperiksa KPDNHEP Johor yang meliputi 817 peruncit, 97 pemborong serta 22 pengilang di seluruh daerah di negeri ini," katanya dalam kenyataan, semalam.

Dr Chong berkata, peniaga yang disyaki melakukan aktiviti mencatut akan disiasat dan sekiranya sabit kesalahan boleh dikenakan tindakan mengikut Seksyen 14 AKHAP 2011.

Katanya, bagi individu, mereka boleh didenda hingga RM100,000 atau dipenjara tidak melebihi tiga tahun atau kedua-duanya dan bagi kesalahan kedua, denda sehingga RM250,000 atau penjara.

KPDNHEP Johor keluarkan 48 notis kepada peniaga

JOHOR BAHRU - Kementerian Perdagangan Dalam Negeri dan Hal Ehwal Pengguna (KPDNHEP) Johor mengeluarkan 48 notis terhadap peniaga di negeri ini hasil pemantauan dan pemeriksaan bekalan barangan keperluan sejak 1 Januari lalu hingga Sabtu.

Exco Perpaduan, Perdagangan dan Hal Ehwal Pengguna Johor, Dr Chong Fat Full berkata, notis itu dikeluarkan di bawah Seksyen 21 Akta

Kawalan Harga dan Anti Pencatutan 2011 (AKHAP 2011).

Katanya, dalam tempoh itu juga sebanyak 936 premis telah diperiksa melibatkan 817 peruncit, 97 pemborong dan 22 pengilang.

"KPDNHEP Johor mengambil maklum aduan kenaikan beberapa barangan keperluan harian berikutan Perintah Kawalan Pergerakan (PKP) 2.0 bermula 13 Januari hingga 4 Februari depan," katanya menerusi ke-

nyataan pada Ahad.

Menurutnya, pemeriksaan yang dilakukan turut memberi tumpuan ke atas barangan keperluan asas lain seperti barang kering, barang segar, barangan sedia bungkus, minuman dan barangan keperluan lain.

"Antara contoh barangan diperiksa termasuk beras, roti, susu tepung, ayam segar, telur ayam, bawang, sayur-sayuran, topeng muka dan cecair pencuci tangan," katanya.



Pemeriksaan khas secara berterusan dilakukan KPDNHEP Johor terhadap bekalan barangan keperluan asas di negeri ini.

Bekalan minyak paket bersubsidi pulih

Masjid Tanah: Bekalan minyak masak paket bersubsidi di negeri ini pulih semula semalam, selepas mengalami kekurangan bekalan sejak dua minggu lalu susulan pembelian panik.

La hasil kerjasama syarikat pembungkus bahan masakan itu yang meningkatkan pengeluaran hampir 100 peratus atas arahan Kementerian Perdagangan Dalam Negeri dan Hal Ehwal Pengguna (KPDNHEP) negeri.

Pengarahnya Norena Jaa-

far berkata, bekalan minyak masak paket subsidi dikesan masuk ke dalam pasaran secara beransur-ansur sejak kelmarin dan mula memenuhi pasaran semula.

"Pemantauan pegawai penguat kuasa Kementerian mendapati bekalan di kebanyakan pasar raya dan kedai runcit semakin pulih hari ini (semalam)

dan kami berharap peniaga mampu memastikan seorang pelanggan hanya dibenarkan membeli tiga paket (minyak masak subsidi)," katanya, semalam.

Sehubungan itu, beliau mengingatkan pengguna supaya tidak mengulangi tindakan membeli minyak masak paket dalam jumlah besar susulan Perintah

Kawalan Pergerakan (PKP) dilaksanakan, 13 Januari lalu.

Katanya, tindakan seumpama itu akan menyebabkan bekalan berkurangan, sekaligus mengakibatkan ada pengguna tidak berpeluang mendapatkannya.

"KPDNHEP Melaka menetapkan peraturan menghadkan pembelian hanya tiga paket minyak masak itu bagi setiap pengguna pada Khamis lalu berikutan masalah kekurangan bekalan," katanya.

Tetap peraturan menghadkan belian tiga paket minyak masak bagi setiap pengguna

Senarai Harga Barang Keperluan							
• Ayam	RM5.90	• Telur Gred A	RM9.99	• Gula Pasir	RM2.60	• Cili Merah	RM8.90
• Daging Lembu Tempatan	RM32	• Ikan Kembung	RM8.99	• Bawang Besar Holland	RM2.69	• Kubis Tempatan	RM3.80
• Daging Lembu Import	RM22	• Minyak Masak	RM5.30	• Bawang Putih	RM2.99	• Tepung Gandum	RM2.15

*Harga (RM/kg) Sumber: KPONHEP